

增像全圖三國演義

錦章書局印
陽湖汪涵題



書

局



國家圖書館數位化、典藏

繡像全圖

三國演義

民國十九年四月印



原序

余嘗集才子書者六其目曰莊也騷也馬之史記也杜之律詩也水滸也西廂也已
謬加評訂海內君子皆許余以為知言近又取三國志讀之見其據實指陳非屬臆
造堪與史冊相表裏由是觀之奇又莫奇於三國矣或曰凡自周秦而上漢唐而下
依史以演義者無不與三國相仿何獨奇乎三國曰三國者乃古今爭天下之一大
奇局而演三國者又古今為小說之一大奇手也異代之爭天下其事較平取其事
以為傳其手又較庸故迴不得與三國並也吾嘗覽三國爭天下之局而嘆天運之
變化真有所莫測也當漢獻失柄董卓擅權羣雄並起四海鼎沸使劉皇叔早諧魚
水之歡先得荆襄之地長驅河北傳檄江南江東秦雍以次畧定則仍一光武中興
之局而不見天運之善變也惟卓不遂其篡以誅死曹操又得挾天子以令諸侯名
位雖虛正朔未改皇叔宛轉避難不得早建大義於天下而大江南北已為吳魏之
所攘獨留西南一隅為劉氏託足之地然不得孔明出而東助赤壁一戰西為漢中
一摧則漢益亦折而入於曹而吳亦不能獨立則又成一王莽篡漢之局而天運猶
不見其善變也逮於華容遁去雞肋歸來鼎足而居權倖力敵而三分之勢遂成尋
彼曹操一生罪惡貫盈神人共怒檄之罵之刺之藥之燒之劫之割鬚折齒墮馬落
墮瀕死者數而卒免於死為敵者眾而為輔亦眾此天之又若有意以成三分而故

留此奸雄以為漢之蟲賊且天生瑜以為亮對又生懿以繼曹後似皆恐鼎足之中折而疊出其人才以相持也自古割據者有矣分王者有矣為十二國為七國為十六國為南北朝為東西魏為前後漢其間乍得乍失或亡或存遠或不能一紀近或不踰歲月從未有六十年中興則俱興滅則俱滅如三國爭天下之局之奇者也今覽此書之奇足以使學士讀之而快妻巷不學之人讀之而亦快英雄豪傑讀之而快凡夫俗子讀之而亦快也昔者蒯通之說韓信已有鼎足三分之說其時信已臣漢義不可背項羽粗暴無謀有一范增而不能用勢不得不一統於羣策羣力之漢三分之幾虛兆於漢室方興之時而卒成於漢室衰微之際且高祖以王漢興而先主以王漢亡一能還定三秦一不能取中原尺寸若彼蒼之造漢以如是起以如是止早有其成局於冥冥之中遂使當世之人之事才謀各別境界獨殊以迥異於千古者非天事之最奇者歟作演義者以文章之奇傳其事之奇而且無所事於穿鑿第貫穿其事實錯綜其始末而已無之不奇此又人事之未經見者也獨是事奇矣書奇矣而無有人焉起而評之即或有人而使心非錦心口非繡口不能一代古人傳其胸臆則是書亦終與周秦而上漢唐而下諸演義等人亦烏乎知其奇而信其奇哉余嘗欲探索其奇以正諸世會病未果忽於友人案頭見毛子所評三國志之稿觀其筆墨之快心思之靈先得我心之同然因稱快者再而今而後知第一才

1941
子書之目又果在三國也故余序此數言付毛子授剞之日弁於簡端使後之閱者知余與毛子有同心云

時

順治歲次甲申嘉平朔日金人瑞聖嘆氏題



國家圖書館



003877340

重刊三國志演義序

昔陳承祚有良史才所撰魏蜀吳三國志凡六十五篇已入正史范曄稱其詞多勸
誡明乎得失有益風化裴松之亦謂全敘可觀事多審正而惜其失在於略復上搜
舊聞旁摭遺逸凡志所不載事宜存錄者畢取以為之注而三國事蹟略備演義之
作濫觴於元人以供村老談說故事然悉本陳志裴注絕不架空杜撰意主忠義而
旨歸勸懲閱者參觀正史始知語皆有本而不與一切小說等量而齊觀矣
咸豐三年孟夏勾吳清溪居士書

讀三國志法

讀三國志者。當知有正統。閏運。僭國之別。正統者何。蜀漢是也。僭國者何。吳魏是也。閏運者何。晉是也。魏之不得為正統者何也。論地則以中原為主。論理則以劉氏為主。論地不若論理。故以正統予魏者。司馬光通鑑之誤也。以正統予蜀者。紫陽綱目之所以為正也。綱目于獻帝建安之末。大書後漢昭烈皇帝。章武元年。而以吳魏分注其後。蓋以蜀為帝室之胄。在所當予。魏為篡國之賊。在所當奪。是以前則書劉備起兵徐州。討曹操。後則書漢丞相諸葛亮出師伐魏。而大義昭然。揭于千古矣。夫劉氏未亡。魏未混一。魏固不得為正統。迨乎劉氏已亡。晉已混一。而晉亦不得為正統者何也。曰。晉以臣弑君。與魏無異。而一傳之後。祿祚不長。但可謂之閏運。而不可謂之正統也。至于東晉偏安。以牛易馬。愈不得以正統歸之。故三國之并吞于晉。猶六國之混一于秦。五代之混一于隋耳。秦不過為漢驅除。隋不過為唐驅除。前之正統。以漢為主。而秦與魏晉不得與焉。亦猶後之正統。以唐宋為主。而宋齊梁陳隋梁唐晉漢周俱不得與焉耳。且不特魏晉不如漢之為正。即唐宋亦不如漢之為正。煬帝無道。而唐代之是已。惜其不能顯然如周之代商。而稱唐公加九錫。以蹈魏晉之陋轍。則得天下之正。不如漢也。若夫宋以忠厚立國。又多名臣大儒。出乎其間。故尚論者以正統予宋。然終宋之世。燕雲十六州未入版圖。其規模已遜于唐。而陳橋兵變。

黃袍加身取天下于孤兒寡婦之手則得天下之正亦不如漢也唐宋且不如漢而何論晉魏哉高帝以除暴秦擊楚之殺義帝者而興光武以誅王莽而克復舊物昭烈以討曹操而存漢祀于西川祖宗之創之者正而子孫之繼之者亦正不得但以光武之混一為正統而謂昭烈之偏安非正統也昭烈為正統而劉裕劉智遠亦皆劉氏子孫其不得為正統者何也曰裕與智遠之為漢苗裔遠而無徵不若中山靖王之後近而可考又二劉皆以篡弒得國故不得與昭烈並也後唐李存勗之不得為正統者何也曰存勗本非李而賜姓李其與呂秦牛晉不甚相遠故亦不得與昭烈並也南唐李昇之亦不得繼唐而為正統者何也曰世遠代遐亦裕與智遠者比故亦不得與昭烈並也南唐李昇不得繼唐而為正統南宋高宗獨得繼宋而為正統者何也高宗立太祖之後為後以延宋祚于不絕故正統歸也夫以高宗之殺岳飛用秦檜全不以二聖為念作史者尚以其延宋祚而歸之以正統况昭烈之君臣同心誓討漢賊者乎則昭烈之為正統愈無疑也陳壽之志未及辨此余故折衷于紫陽綱目而特于演義中附正之

古史甚多而人獨貪看三國志者以古今人才之眾未有盛于三國者也觀才與不才敵不奇觀才與才敵則奇觀才與才敵而一才又遇眾才之匹不奇觀才與才敵而眾才尤讓一才之勝則更奇吾以為三國有三奇可稱三絕諸葛孔明一絕也關

雲長一絕也。曹操亦一絕也。歷稽載籍，賢相林立，而名高萬古者，莫如孔明。其處而彈琴抱膝，居然隱士；風流而出，而羽扇綸巾，不改雅人深致。在草廬之中，而識三分天下，則達乎天時；承顧命之重，而至六出祁山，則盡乎人事。七擒八陣，木牛流馬，既已疑鬼疑神之不測；鞠躬盡瘁，志決身殲，仍是為臣為子之用心。比管樂則過之，比伊呂則兼之。是古今來賢相中第一奇人。歷稽載籍，名將如雲，而絕倫超羣者，莫如雲長。青史對青燈，則極其儒雅；赤心如赤面，則極其英靈。秉燭達旦，人傳其大節；單刀赴會，世服其神威。獨行千里，報主之志堅；義釋華容，酬恩之誼重。作事如青天白日，待人如霽月光風。心則趙抃焚香告帝之心，而磊落過之；意則阮籍白眼傲物之意，而嚴正過之。是古今來名將中第一奇人。歷稽載籍，奸雄接踵，而智足以攬人才，而欺天下者，莫如曹操。聽荀彧勤王之說，而自比周文，則有似乎忠；黜袁術僭號之非，而願為曹侯，則有似乎順；不殺陳琳而愛其才，則有似乎寬；不追關公以全其志，則有似乎義。王敦不能用郭璞，而操之得士過之；桓溫不能識王猛，而操之知人過之。李林甫雖能制祿山，不如操之擊烏桓于塞外；韓侂胄雖能敗秦檜，不若操之討董卓于生前。竊國家之柄，而姑存其號，異于王莽之顯然弑君；留改革之事，以俟其兒勝于劉裕之急欲篡晉，是古今來奸雄中第一奇人。有此三奇，乃前後史之所絕無者。故讀遍諸史，而愈不得不喜讀三國志也。

三國之有三絕固已然。吾自三絕而外更遍觀乎三國之前。三國之後。問有運籌帷幄如徐庶龐統者乎。問有行軍用兵如周瑜陸遜司馬懿者乎。問有料人料事如郭嘉程昱荀彧賈詡步騭虞翻顧雍張昭者乎。問有武功將略邁等越倫如張飛趙雲黃忠嚴顏張遼徐晃徐盛朱桓者乎。問有衝鋒陷陣驍勇莫當如馬超馬岱關興張苞許褚典韋張郃夏侯惇黃蓋周泰甘寧太史慈丁奉者乎。問有兩才相當兩賢相遇如姜維鄧艾之智勇悉敵羊祜陸抗之從容互鎮者乎。至于道學則馬融鄭玄文藻則蔡邕王粲穎操則曹植楊修。早慧則諸葛洛鍾會。應對則秦宓張松。舌辯則李恢關澤。不辱君命則趙諮鄧芝。飛書馳檄則陳琳阮瑤。治煩理劇則蔣琬董允。揚譽蜚聲則馬良荀爽。好古則杜預博物則張華。求之別籍俱未易一一見也。乃若知賢則有司馬徽之哲。勵操則有管寧之高。隱居則有崔州平石廣元孟公威之逸。忤奸則有孔融之正。觸邪則有趙彥之直。斥惡則有禰衡之豪。罵賊則有吉平之壯。殉國則有董承伏完之賢。捐生則有耿紀韋晃之節。子死于父則有劉諶關平之孝。臣死于君則有諸葛瞻諸葛尚之忠。部曲死于主帥則有趙累周倉之義。其他先見如田豐苦口如王累。矢貞如沮授。不屈如張任。輕財篤友如魯肅。事主不二心如諸葛瑾。不畏強禦如陳泰。視死如歸如王經。獨存介性如司馬孚。炳炳烺烺照耀史冊。殆舉前之豐沛三傑。商山四皓。雲臺諸將。富春客星。後之瀛洲學士。麟閣功臣。杯酒節度。

若市宰相分見于各朝之千百年者。奔合輻湊于三國之一時。豈非人才一大都會。裁入鄧林而選名材。遊玄圃而見積玉。收不勝收。接不暇接。吾于三國有觀止之嘆矣。

三國一書。乃文章之最妙者。叙三國不自三國始也。三國必有所自始。則始之以漢帝。叙三國不自三國終也。三國必有所自終。則終之以晉國。而不但此也。劉備以帝胄而繼統。則有宗室如劉表。劉璋。劉繇。劉辟等以陪之。曹操以強臣而專制。則有廢立如董卓。亂國如李傕。郭汜以陪之。孫權以方侯而分鼎。則有僭號如袁術。稱雄如袁紹。割據如呂布。公孫瓚。張揚。張邈。張魯。張繡等以陪之。劉備曹操于第一回出名。而孫權則于第七回方出名。曹氏之定許都。在第十一回。孫氏之定江東。在第十二回。而劉氏之取西川。則在第六十回後。假令今人作稗官。欲平空擬一三國之事勢。必劈頭便叙三人。三人便各據一國。有能如是之繞乎其前。出乎其後。多方以盤旋乎其左右者哉。古事所傳天然有此等波瀾。天然有此等層折。以成絕世妙文。然則讀三國一書。誠勝讀稗官萬萬耳。

若論三國開基之主。人盡知為劉備。孫權。曹操也。而不知其間各有不同。備與操皆自我身而創業。而孫權則藉父兄之力。其不同者一。備與權皆及身而為帝。而操則不自為而待之于其子孫。其不同者二。三國之稱帝也。惟魏獨早。而蜀則稱帝于曹

操已死曹丕已立之餘吳則稱帝于劉備已死劉禪已立之後其不同者三。三國之相持也。吳為蜀之鄰。魏為蜀之仇。蜀與吳有和。有戰。而蜀與魏則有戰。無和。吳與蜀則和多于戰。吳與魏則戰多于和。其不同者四。三國之傳也。蜀止二世。魏則自丕及奂。凡五主。吳則自權及皓。凡四主。其不同者五。三國之亡也。吳居其後。而蜀先之。魏次之。魏則見奪于其臣。吳蜀則見并于其敵。其不同者六。不甯惟是。策之與權。則兄終而弟及。丕之與植。則舍弟而立兄。備之與禪。則父為帝而子為虞。操之與丕。則父為臣而子為君。可謂參差錯落變化無方者矣。今之不善畫者。雖使繪兩人。亦必彼此同貌。今之不善歌者。即使唱兩調。亦必前後同聲。文之合掌。往往類是。古人本無雷同之事。而今人好為雷同之文。則何不取余所批三國志而讀之。

三國一書。總起總結之中。又有六起六結。其叙獻帝。則以董卓廢立為一起。以曹丕篡奪為一結。其叙西蜀。則以成都稱帝為一起。而以綿竹出降為一結。其叙劉關張三人。則以桃園結義為一起。而以白帝託孤為一結。其叙諸葛亮。則以三顧草廬為一起。而以六出祁山為一結。其叙魏國。則以黃初改元為一起。而以司馬受禪為一結。其叙東吳。則以孫堅匿璽為一起。而以孫皓銜璧為一結。凡此數段文字。聯絡交互于其間。或此方起而彼已結。或此未結而彼又起。讀之不見其斷續之迹。而按之則自有章法之可知也。

三國一書有追本窮源之妙。三國之分。由于諸鎮之角立。諸鎮角立。由于董卓之亂國。董卓亂國。由于何進之召外兵。何進召外兵。由于十常侍之專政。故叙三國必以十常侍為之端也。然而劉備之初起。不即在諸鎮之內。而尚在草澤之間。夫草澤之所以有英雄聚義。而諸鎮之所以繕修兵革者。由于黃巾之作亂。故叙三國又必以黃巾為之端也。乃黃巾未作。則有上天垂災異以警戒之。更有忠謀智計之士直言極諫以預料之。使當時為之君者。體天心之仁愛。納良臣之讜論。斷然舉十常侍而屏斥焉。則黃巾可以不作。草澤英雄可以不起。諸鎮之兵革可以不修。而三國可以不分矣。故叙三國而追本于桓靈。猶河源之有星宿海云。

三國一書有巧收幻結之妙。設令魏而為蜀所并。此人心之所甚願也。設令蜀亡而魏得一統。此人心之所大不平也。乃彼蒼之意。不從人心所甚願。而亦不出于人心之所大不平。特假手于晉以一之。此造物者之幻也。然天既不祚漢。又不予魏。則何不假手于吳。而必假手于晉乎。曰。魏固漢賊也。吳嘗害關公。奪荊州。助魏以攻蜀。則亦漢賊也。若晉之奪魏。有似乎為漢報仇也者。則與其一之以吳。無甯一之以晉也。且吳為魏敵。而晉為魏臣。魏以臣弑君。而晉即如其事以報之。可以為戒于天下後世。則使魏而見并于其敵。不若使之見并于其臣之為快也。是造物者之巧也。幻既出人意。外巧復在人意中。造物者可謂善于作文矣。今人下筆。必不能如此之幻。如

此之巧然則讀造物自然之文而又何必讀令人臆造之文乎哉

三國一書有以賓襯主之妙如將叙桃園兄弟三人先叙黃巾兄弟三人桃園其主也黃巾其賓也將叙中山靖王之後先叙魯恭王之後中山靖王其主也魯恭王其賓也將叙何進先叙陳蕃竇武何進其主也陳蕃竇武其賓也叙劉關張及曹操孫堅之出色并叙各鎮諸侯之無用劉備曹操孫堅其主也各鎮諸侯其賓也劉備將遇諸葛亮而先遇司馬徽崔州平石廣元孟公威等諸人諸葛亮其主也司馬徽諸人其賓也諸葛亮歷事兩朝乃又有先來即去之徐庶晚來先死之龐統諸葛亮其主也而徐庶龐統又其賓也趙雲先事公孫瓚黃忠先事韓玄馬超先事張魯法正嚴顏先事劉璋而後皆歸劉備備其主也公孫瓚韓玄張魯劉璋其賓也太史慈先事劉繇後歸孫策甘甯先事黃祖後歸孫權張遼先事呂布徐晃先事楊奉張郃先事袁紹賈詡先事李傕張繡而後皆歸曹操孫曹其主也劉繇黃祖呂布楊奉等諸人其賓也代漢當途之識本應在魏而袁公路謬以自許魏其主也袁公路其賓也三馬同槽之夢本應在司馬氏而曹操誤以為馬騰父子司馬氏其主也馬騰父子其賓也受禪臺之說李肅以賺董卓而曹丕即真馬司馬炎又即真馬曹丕司馬炎其主也董卓其賓也且不獨人有賓主也地亦有之獻帝自洛陽遷長安又自長安遷洛陽而終乃遷于許昌許昌其主也長安洛陽皆賓也劉備失徐州而得荊州荆

州其主也徐州其賓也及得兩川而復失荊州兩川其主也而荊州又其賓也孔明將北伐中原而先南定蠻方意不在蠻方而在中原中原其主也蠻方其賓也抑不獨地有賓主也物亦有之李儒持鳩酒短刀白練以貽帝辨鳩酒其主也短刀白練其賓也許田打圍將叙曹操射鹿先叙劉備射兔鹿其主也兔其賓也赤壁鏖兵將叙孔明借風先叙孔明借箭風其主也箭其賓也董承受玉帶陪之以錦袍帶其主也袍其賓也關公拜受赤兔馬而陪之以金印紅袍諸賜馬其主也金印等其賓也曹操掘地得銅雀而陪之以金龍玉鳳雀其主也龍鳳其賓也諸如此類不可悉數善讀是書者可于此悟文章賓主之法

三國一書有同樹異枝同枝異葉同葉異花同花異果之妙作文者以善避為能又以善犯為能不犯之而求避之無所見其避也惟犯之而後避之乃見其能避也如紀宮掖則寫一何太后又寫一董太后寫一伏皇后又寫一曹皇后寫一唐貴妃又寫一董貴人寫甘麋二夫人又寫一孫夫人又寫一北地王妃寫魏之甄后毛后又寫一張后而其間無一字相同紀戚畹則何進之後寫一董承董承之後又寫一伏完寫一魏之張繡又寫一吳之錢尚而其間則無一字相同寫權臣則董卓之後又寫李傕郭汜催汜之後又寫曹操曹操之後又寫一曹丕曹丕之後又寫一司馬懿司馬懿之後又並寫一師昭兄弟師昭之後又繼寫一司馬炎又旁寫一吳之孫綝

而其間則無一字相同其他叙兄弟之事則袁譚與袁尚不睦劉琦與劉琮不睦曹丕與曹植亦不睦而譚與尚皆死琦與琮一死一不死丕與植皆不死不大異乎叙婚姻之事則如董卓求婚于孫堅袁術約婚于呂布曹操約婚于袁譚孫權結婚于劉備又求婚于雲長而或絕而不許或許而復絕或偽約而反成或真約而不就不大異乎至于王允用美人計周瑜亦用美人計而一效一不效則互異卓布相惡催汜亦相惡而一靖一不靖則互異獻帝有兩番密詔則前隱而後彰馬騰亦有兩番討賊則前彰而後隱此其不同者矣呂布有兩番弑父而前動于財後動于色前則以私滅公後則假公濟私此又其不同者矣趙雲有兩番救主而前救于陸後救于水前則受之主母之手後則奪之主母之懷此又其不同者矣若夫寫水不止一番寫火亦不止一番曹操有下邳之水又有冀州之水關公有白河之水又有曹口川之水呂布有濮陽之火曹操有烏巢之火周郎有赤壁之火陸遜有猇亭之火徐盛有南徐之火武侯有博望新野之火又有盤蛇谷上方谷之火前後曾有絲毫相犯否甚者孟獲之擒有七祁山之出有六中原之伐有九求其一字之相犯而不可得妙哉文乎譬如樹同是樹枝同是枝葉同是葉花同是花而其植根安蒂吐芳結子五色紛披各成異采讀者于此可悟文章有避之一法又有犯之一法也

三國一書有星移斗轉雨覆風翻之妙杜少陵詩曰天上浮雲如白衣斯須變成

蒼狗此言世事之不可測也。三國之文亦猶是爾。本是何進謀誅宦官。却弄出宦官殺何進。則一變。本是呂布助丁原。却弄出呂布殺丁原。則一變。本是董卓結呂布。却弄出呂布殺董卓。則一變。本是陳宮釋曹操。却弄出陳宮欲殺曹操。則一變。陳宮未殺曹操。反弄出曹操殺陳宮。則一變。本是王允不赦催汜。却弄出催汜殺王允。則一變。本是孫堅與袁術不睦。却弄出袁術致書于孫堅。則一變。本是劉表求救于袁紹。却弄出劉表殺孫堅。則一變。本是昭烈從袁紹以討董卓。却弄出助公孫瓚以攻袁紹。則一變。本是昭烈救徐州。却弄出昭烈取徐州。則一變。本是呂布投徐州。却弄出呂布奪徐州。則一變。本是呂布攻昭烈。却弄出呂布迎昭烈。則一變。本是呂布絕袁術。又弄出呂布求袁術。則一變。本是昭烈助呂布以討袁術。又弄出助曹操以殺呂布。則一變。本是昭烈助曹操。又弄出昭烈討曹操。則一變。本是昭烈攻袁紹。又弄出昭烈投袁紹。則一變。本是昭烈助袁紹以攻曹操。又弄出關公助曹操以攻袁紹。則一變。本是關公尋昭烈。又弄出張飛欲殺關公。則一變。本是關公許田欲殺曹操。又弄出華容道放曹操。則一變。本是曹操追昭烈。又弄出昭烈投東吳。以破曹操。則一變。本是孫權仇劉表。又弄出魯肅吊劉表。又吊劉琦。則一變。本是孔明助周瑜。却弄出周瑜欲殺孔明。則一變。本是周瑜欲害昭烈。却弄出孫權結婚昭烈。則一變。本是用孫夫人牽制昭烈。却弄出孫夫人助昭烈。則一變。本是孔明氣死周郎。却弄出孔

明哭周郎則一變本是昭烈不受劉表荊州却弄出昭烈借荊州則一變本是劉璋欲結曹操却弄出迎昭烈則一變本是劉璋迎昭烈却弄出昭烈奪劉璋則一變本是昭烈分荊州又弄出呂蒙襲荊州則一變本是昭烈破東吳又弄出陸遜敗昭烈則一變本是孫權求救于曹丕却弄出曹丕欲襲孫權則一變本是昭烈仇東吳又弄出孔明結好東吳則一變本是劉封聽孟達却弄出劉封攻孟達則一變本是孟達背昭烈又弄出孟達欲歸孔明則一變本是馬騰與昭烈同事又弄出馬超攻昭烈則一變本是馬超救劉璋却弄出馬超投昭烈則一變本是姜維敵孔明却弄出姜維助孔明則一變本是夏侯霸助司馬懿却弄出夏侯霸助姜維則一變本是鍾會忌鄧艾却弄出衛瓘殺鄧艾則一變本是姜維賺鍾會却弄出諸將殺鍾會則一變本是羊祜和陸抗却弄出羊祜請伐孫皓則一變本是羊祜請伐吳却弄出一杜預又弄出一王濬則一變論其呼應有法則讀前卷定知其有後卷論其變化無方則讀前文更不料其有後文於其可知見三國之文之精於其不可料更見三國之文之幻矣

三國一書有橫雲斷嶺橫橋鎖溪之妙文有宜于連者有宜于斷者如五關斬將三顧草廬七擒孟獲此文之妙于連者也如三氣周瑜六出祁山九伐中原此文之妙于斷者也蓋文之短者不連叙則不貫串文之長者連叙則懼其累贅故必叙別事

以聞之。而後文勢乃錯綜盡變。後世裨官家鮮能及此。

三國一書。有將雪見霰。將雨聞雷之妙。將有一段正文在後。必先有一段閒文以為之引。將有一段大文在後。必先有一段小文以為之端。如將叙曹操濮陽之火。先寫糜竺家中之火。一段閒文以啟之。將叙孔融求救于昭烈。先寫孔融通刺于李弘。一段閒文以啟之。將叙赤壁縱火。一段大文。先寫博望新野。兩段小文以啟之。將叙六出祁山。一段大文。先寫七擒孟獲。一段小文以啟之。是也。魯人將有事于上帝。必先有事于類宮。文章之妙。正復類是。

三國一書。有浪後波紋。雨後霰霏之妙。凡文之奇者。文前必有先聲。文後亦必有餘勢。如董卓之後。又有從賊以繼之。黃巾之後。又有餘黨以行之。昭烈三顧草廬之後。又有劉琦三請諸葛。一段文字以映帶之。武侯出師。一段大文之後。又有姜維伐魏。一段文字以蕩漾之。是也。諸如此類。皆他書中所未有。

三國一書。有寒氷破熱。涼風掃塵之妙。如關公五關斬將之時。忽有鎮國寺內遇普靜長老。一段文字。昭烈躍馬檀溪之時。忽有水鏡莊上遇司馬先生。一段文字。孫策虎踞江東之時。忽有遇于吉。一段文字。曹操進爵魏王之時。忽有遇左慈。一段文字。昭烈三顧草廬之時。忽有遇崔州平。席地閒談。一段文字。關公水滄七軍之後。忽有玉泉山下點化。一段文字。至于武侯征蠻。而忽逢孟節。陸遜追蜀。而忽遇黃承彥。

張任臨敵而忽問紫虛丈人。昭烈伐吳而忽問青城老叟。或僧或道。或隱士。或高人。俱于極喧鬧中求之。真足令人躁思頓清。煩襟盡滌。

三國一書。有笙簫夾鼓。琴瑟間鐘之妙。如正叙黃巾擾亂。忽有何后董后兩宮爭論一段文字。正叙董卓縱橫。忽有貂蟬鳳儀亭一段文字。正叙崔汜猖狂。忽有楊彪夫人與郭汜之妻來往一段文字。正叙下邳交戰。忽有呂布送女。嚴氏戀夫一段文字。正叙冀州廝殺。忽有袁譚失妻。曹丕納婦一段文字。正叙荊州事變。忽有蔡夫人商識一段文字。正叙赤壁鏖兵。忽有曹操欲取二喬一段文字。正叙宛城交攻。忽有張濟妻與曹操相遇一段文字。正叙趙雲取桂陽。忽有趙範寡嫂敬酒一段文字。正叙昭烈爭荊州。忽有孫權親妹洞房花燭一段文字。正叙孫權戰黃祖。忽有孫翊妻為夫報仇一段文字。正叙司馬懿殺曹爽。忽有辛憲英為弟畫策一段文字。至于袁紹討曹操之時。忽帶叙鄭康成之婢。曹操救漢中之日。忽帶叙蔡中郎之女。諸如此類。不一而足。人但知三國之文。是叙龍爭虎鬥之事。而不知為鳳為鸞。為鶯為燕。篇中有應接不暇者。令人于干戈隊裏。時見紅裙旌旗影中。常睹粉黛。殆以豪士傳與美人傳合為一書矣。

三國一書。有隔年下種。先時伏著之妙。善圖者投種于地。待時而發。善奕者下一開著于數十著之前。而其應在數十著之後。文章叙事之法。亦猶是已。如西蜀劉璋乃

是劉焉之子而首卷將叙劉備先叙劉焉早為取西川伏下一筆又于玄德破黃巾時並叙曹操帶叙董卓早為董卓亂國曹操專權伏下一筆趙雲歸昭烈在古城聚義之時而昭烈之遇趙雲早于磐河戰公孫時伏下一筆馬超歸昭烈在葭萌戰張飛之後而昭烈之與馬騰同事早于受衣帶詔時伏下一筆龐統歸昭烈在周郎既死之後而童子述龐統姓名早于水鏡莊前伏下一筆武侯嘆謀事在人成事在天在上方谷火滅之後而司馬徽未遇其時之語崔州平天不可強之言早于三顧草廬前伏下一筆劉禪帝蜀四十餘年而終在一百十回之後而鶴鳴之兆早于新野初生時伏下一筆姜維九伐中原在一百五回之後而武侯之收姜維早于初出祁山時伏下一筆姜維與鄧艾相遇在三伐中原之後姜維與鍾會相遇在九伐中原之後而夏侯霸述兩人姓名早于未伐中原時伏下一筆曹丕篡漢在八十回中而青雲紫雲之祥早于三十三回之前伏下一筆孫權僭號在八十五回後而吳夫人夢日之兆早于三十八回中伏下一筆司馬懿魏在一百十九回而曹操夢馬之兆早于五十七回中伏下一筆自此而外凡伏筆之處指不勝屈每見近世稗官家一到扭捏不來便平空生出一人無端造出一事覺後文與前文隔斷更不相涉試令讀三國之文能不汗顏

三國一書有添絲補錦移針勻繡之妙凡叙事之法此篇所闕者補之于彼篇上卷

所多者勻之于下卷不但使前文不拖沓而亦使後文不寂寞不但使前事無遺漏而又使後事增渲染此史家妙品也如呂布取曹豹之女本在未奪徐州之前却于困下邳時叙之曹操望梅止渴本在擊張繡之日却于青梅煮酒時叙之管甯割席分坐本在華散未仕之前却于破壁取后時叙之吳天人夢月本在將生孫策之前却于臨終遺命時叙之武侯求黃氏為配本在未出草廬之前却于諸葛瞻死難時叙之諸如此類亦指不勝屈前能留步以應後後能迴照以應前令人讀之真一篇如一句

三國一書有近山濃抹遠樹輕描之妙畫家之法於山與樹之近者則濃之重之於山與樹之遠者則輕之淡之不然林麓迢遙峰巒層疊豈能於尺幅之中一一而詳繪之乎作文亦猶是已如皇甫嵩破黃巾只在朱雋一邊打聽得來袁紹殺公孫瓚只在曹操一邊打聽得來趙雲襲南郡關張襲兩郡只在周郎眼中耳中聽來昭烈殺楊奉韓暹只在昭烈口中叙來張飛奪古城在關公耳中聽來簡雍投袁紹在昭烈口中說來至若曹丕三路伐吳而皆敗一路用實寫兩路用虛寫武侯退曹丕五路之兵惟遣使入吳用實寫其四路皆虛寫諸如此類又指不勝屈只一句兩句正不知包却幾許事情省却幾許筆墨

三國一書有奇峯對插錦屏對峙之妙其對之法有正對者有反對者有一卷之中

自為對者有隔數十卷而遙為對者如昭烈則自幼便大曹操則自幼便奸張飛則一味性急何進則一味性慢議溫明是董卓無君殺了原是呂布無父袁紹槩河之戰勝敗無常孫堅峴山之役生死不測馬騰勤王室而無功不失為忠曹操報父仇而不果不得為孝袁紹起馬步三軍而復回是力可戰而不斷昭烈擒王劉二將而復縱是勢不敵而從權孔融薦禰衡是緇衣之好禰衡罵曹操是巷伯之心昭烈遇德操是無意相遭單福過新野是有心來謁曹丕苦逼生曹植是同氣干戈昭烈痛哭死關公是異姓骨肉火熄上方谷是司馬之數當生燈滅五丈原是諸葛之命當死諸如此類或正對或反對皆一回之中而自為對者也如以國威害國威則有何進以國威薦國威則有伏完李肅說呂布則以智濟其惡王允說呂布則以巧行其忠張飛失徐州則以飲酒誤事呂布陷下邳則以禁酒受殃關公飲魯肅之酒是一片神威羊祜飲陸抗之酒是一團和氣孔明不殺孟獲是仁者之實司馬懿必殺公孫淵是奸雄之刻關公義釋曹操是報其德于前翼德義釋嚴顏是收其用于後武侯不用子午谷之計是慎謀以圖全鄧艾不懼陰平嶺之危是行險以徼倖曹操有病陳琳一罵便好王朗無病孔明一罵便亡孫夫人好甲兵是女中丈夫司馬懿受巾幘是男中女子八日而取上庸則以速而神百日而取襄平則以遲而勝孔明屯田渭濱是進取之謀姜維屯田沓中是退避之計曹操受漢之九錫是操之不臣孫

權受魏之九錫是權之不君曹操射鹿義乖于君臣曹丕射鹿情動于母子楊儀魏延相爭于班師之日鄧艾鍾會相忌在用兵之時姜維欲繼孔明之志人事逆乎天心杜預能承羊祜之謀天時應乎人力諸如此類或正對或反對皆不在一回之中而遙相為對者也誠于此較量而比觀焉豈不足快讀古之胸而長尚論之識

三國一書有首尾大照應中間大關鎖處如首卷以十常侍為起而末卷有劉禪之寵中貴以結之又有孫皓之寵中貴以雙結之此一大照應也又如首卷以黃巾妖術為起而末卷有劉禪之信師婆以結之又有孫皓之信術士以雙結之此又一大照應也照應既在首尾而中間百餘回之內若無有與前後相關合者則不成章法矣於是有伏完之託黃門寄書孫亮之察黃門盜竄以關合前後又有李傕之喜女巫張魯之用左道以關合前後凡若此者皆天造地設以成全篇之結構者也然猶不止此也作者之意自宦官妖術而外尤重在嚴誅亂臣賊子以自附於春秋之義故書中多錄討賊之忠紀弑君之惡而首篇之末則終之以張飛之勃然欲殺董卓末篇之末則終之以孫皓之隱然欲殺賈充由此觀之雖曰演義直可繼麟經而無愧耳

三國叙事之佳直與史記彷彿而其叙事之難則有倍難于史記者史記各國分書各人分載於是有本紀世家列傳之別今三國則不然殆合本紀世家列傳而總成

一篇分則文短而易工合則文長而難好也

讀三國勝讀列國志夫左傳國語誠文章之最佳者然左氏依經而立傳經既逐段各自成文傳亦逐段各自成文不相聯屬也國語則離經而自為一書可以聯屬矣究竟周語魯語晉語鄭語齊語楚語吳語越語八國分作八篇亦不相聯屬也後人合左傳國語而為列國志因國事多煩其段落處到底不能貫串今三國演義自首至尾讀之無一處可斷其書又在列國志之上

讀三國勝讀西遊記西遊程造妖魔之事誕而不經不若三國實叙帝王之事真而可考也且西遊好處三國已皆有之如啞泉黑泉之類何異子母河落胎泉之奇朵思大王木鹿大王之類何異牛魔鹿力金角銀角之號伏波顯聖山神指迷之類何異南海觀音之救只一卷漢相南征記便抵得一部西遊記矣至于前而鎮國寺後而玉泉山或目戒刀脫離火厄或望空一語有同棒喝豈必誦靈臺方寸斜月三星之文乃悟禪心乎哉

讀三國勝讀水滸傳水滸文字之真雖較勝西遊之幻然無中生有任意起滅其匠心不難終不若三國叙一定之事無容改易而卒能匠心之為難也且三國人才之盛寫來各各出色又有高出于吳用公孫勝等萬萬者吾謂才子書之目宜以三國演義為第一



凡例

一俗本之乎者也等字大半齟齬不通。又詞語冗長每多複沓處。今悉依古本改正。頗覺直捷痛快。

一俗本紀事多訛。如昭烈聞雷失筋及馬騰入京遇害。關公封漢壽亭侯之類。皆與古本不合。又曹后罵曹丕。詳于范曄後漢書中。而俗本反誤書其黨惡孫夫人投江而死。詳于臧姬傳中。而俗本但紀其歸吳。今悉依古本辨定。

一事有不可闕者。如關公秉燭達旦。管甯割席分坐。曹操分香賣履。于禁陵廟見畫。以至武侯夫人之才。康成侍兒之慧。鄧艾鳳兮之對。鍾會不汗之答。杜預左傳之癖。俗本皆刪而不錄。今悉依古本存之。使讀者得窺全豹。

一三國文字之佳。其錄于文選中者。如孔融薦禰衡表。陳琳討曹操檄。寔可與前後出師表並傳。俗本皆闕而不載。今悉依古本增入。以備好古者之覽觀焉。

一俗本題綱參差不對。雜亂無章。又于一回之中。分上下兩截。今悉體作者之意。而聯貫之。每回必以二語對偶為題。務取精工。以快悅者之目。

一俗本謬託李卓吾先生批閱。而究竟不知出自何人之手。其評中多有唐突昭烈。謾罵武侯之語。今俱削去。而以新評校正之。

一俗本之尤可笑者。于事之是者則圈點之。于事之非者則塗抹之。不論其文而論

其事則春秋弑君三十六亡國五十二將盡取聖人之經而塗之抹之耶今斯編評閱處有圈點而無塗抹一洗從前之陋

一叙事之中夾帶詩詞本是文章極妙處而俗本每至後人有詩嘆曰便處處是周靜軒先生而其詩又甚俚鄙可笑今此編悉取唐宋名人作以實之與俗本大不相同

一七言律詩起于唐人若漢則未聞有七言律也俗本往往捏造古人詩句如鍾繇王朗頌銅雀臺蔡瑁題館驛屋壁皆偽作七言律體殊為識者所笑今悉依古本削去以存其真

一後人捏造之事有俗本演義所無而今日傳奇所有者如關公斬貂蟬張飛捉周瑜之類此其誣也則今人之所知也有古本三國志所無而俗本演義所有者如諸葛亮欲燒魏延于上方谷諸葛瞻得鄧艾書而猶豫未決之類此其誣也則非今人之所知也不知其誣毋乃冤古人太甚今皆削去使讀者不為齊東所誤

第一才子書目錄

聖嘆外書

聲山別集

首卷

序文

讀法

凡例

總目

古本三國志總目

第一回

宴桃園豪傑三結義

斬黃巾英雄首立功

第二回

張翼德怒鞭督郵

何國舅謀誅宦豎

第三回

議溫明董卓叱丁原

鮑金珠李肅說呂布

第四回

廢漢帝陳留踐位

謀董卓賊孟德獻刀

第五回

發矯詔諸鎮應曹公

破關兵三英戰呂布

第六回

焚金闕董卓行兇

匿玉璽孫堅背約

第七回

袁紹磐河戰公孫

孫堅跨江擊劉表

第八回

王司徒巧使連環計

董太師大鬧鳳儀亭

第九回

除兇暴呂布助司徒

犯長安李傕聽賈詡

第十回

勤王室馬騰舉義

報父仇曹操興師

茂苑毛宗崗序始氏評

吳門杭永年資能氏定

第十一回

劉皇叔北海救孔融

呂溫侯濮陽破曹操

第十二回

陶恭祖三讓徐州

曹孟德大破呂布

第十三回

李傕郭汜大交兵

楊奉董承雙救駕

第十四回

曹孟德移駕幸許都

呂奉先乘夜襲徐州

第十五回

太史慈酣鬪小霸王

孫伯符大戰嚴白虎

第十六回

呂奉射戟轅門

曹孟德敗師渭水

第十七回

袁公路大起七軍

曹孟德會合三將

第十八回

賈文和料敵決勝

夏侯惇拔矢啖睛

第十九回

下邳城曹操鏖兵

白門樓呂布殞命

第二十回

曹阿瞞許田打圍

董國舅內閣受詔

第二十一回

曹操煮酒論英雄

關公賺城斬車胄

第二十二回

袁曹各起馬步三軍

關張共擒王劉二將

第二十三回

橋正平裸衣罵賊

吉太醫下毒遭刑

第二十四回

國賊行兇殺貴妃

皇叔敗走投袁紹

第二十五回

屯土山關公約三事

救白馬曹操解重圍

第二十六回

袁本初損兵折將

關雲長挂印封金

第二十七回

美髯公千里走單騎

漢壽侯五關斬六將

第二十八回

斬蔡陽兄弟釋疑

會古城主臣聚義

第二十九回

小霸王怒斬于吉

碧眼兒坐領江東

第三十回

戰官渡本初敗績

劫烏巢孟德燒糧

第三十一回

曹操倉亭破本初

玄德荊州依劉表

第三十二回

奪冀州袁尚爭鋒

決漳河許攸獻計

第三十三回

曹丕乘亂納甄氏

郭嘉遺計定遼東

第三十四回

蔡夫人隔屏聽密語

劉皇叔躍馬過檀溪

第三十五回

玄德南漳遇隱淪

單福新野遇英王

第三十六回

玄德用計取樊城

徐庶走馬薦諸葛

第三十七回

司馬徽再薦名士

劉玄德三顧草廬

第三十八回

定三分隆中決策

戰長江孫氏報仇

第三十九回

荊州城公子三求計

博望坡軍師初用兵

第四十回

蔡夫人議獻荊州

諸葛亮火燒新野

第四十一回

劉玄德攜民渡江

趙子龍單騎救主

第四十二回

張翼德大鬧長坂橋

劉豫州敗走漢津口

第四十三回

諸葛亮舌戰羣儒

魯子敬力排眾議

第四十四回

孔明用智激周瑜

孫權決計破曹操

第四十五回

三江口曹操折兵

羣英會蔣幹中計

第四十六回

用奇謀孔明借箭

獻密計黃蓋受刑

第四十七回

闕澤密獻詐降書

龐統巧授連環計

第四十八回

宴長江曹操賦詩

鎖戰船北軍用武

第四十九回

七星壇諸葛祭風

三江口周郎縱火

第五十回

諸葛亮智算華容

關雲長義釋曹操

第五十一回

曹仁大戰東吳兵

孔明一氣周公瑾

第五十二回

諸葛亮巧辭魯肅

趙子龍智取桂陽

第五十三回

關雲長義釋黃漢升

孫仲謀大戰張文遠

第五十四回

吳國太佛寺看新郎

劉皇叔洞房續佳偶

第五十五回

玄德智激孫夫人

孔明二氣周公瑾

第五十六回

曹操大宴銅雀臺

孔明三氣周公瑾

第五十七回

柴桑口臥龍吊喪

耒陽縣鳳雛理事

第五十八回

馬孟起興兵雪恨

曹阿瞞割鬚棄袍

第五十九回

許褚裸衣鬪馬超

曹操抹書間韓遂

第六十回

張永年反難楊修

龐士元議取西蜀

第六十一回

趙雲截江奪阿斗

孫權遺書退老瞞

第六十二回

取涪關楊高授首

攻雒城黃魏爭功

第六十三回

諸葛亮痛哭龐統

張翼德義釋嚴顏

第六十四回

孔明定計捉張任

楊阜借兵破馬超

第六十五回

馬超大戰葭萌關

劉備自領益州牧

第六十六回

關雲長單刀赴會

伏皇后為國捐生

第六十七回

曹操平定漢中地

張遼威震逍遙津

第六十八回

甘寧百騎劫魏營

左慈擲杯戲曹操

第六十九回

卜周易管輅知機

討漢賊五臣死節

第七十回

猛張飛智取瓦口隘

老黃忠計奪天蕩山

第七十一回

占對山黃忠逸待勞

據漢水趙雲寡勝眾

第七十二回

諸葛亮智取漢中

曹阿瞞兵退斜谷

第七十三回

玄德進位漢中王

雲長攻拔襄陽郡

第七十四回

龐令名擡櫬決死戰

關雲長放水淹七軍

第七十五回

關雲長刮骨療毒

呂子明白衣渡江

第七十六回

徐公明大戰沔水

關雲長敗走麥城

第七十七回

玉泉山關公顯聖

洛陽城曹操感神

第七十八回

治風疾神醫身死

傳遺命奸雄數終

第七十九回

兄逼弟曹植賦詩

姪陷叔劉封伏法

第八十回

曹丕廢帝篡炎劉

漢王正位續大統

第八十一回

急兄仇張飛遇害

雪弟恨先主興兵

第八十二回

孫權降魏受九錫

先主征吳賞六軍

第八十三回

戰猇亭先主得仇人

守江口書生拜大將

第八十四回

陸遜營燒七百里

孔明巧布八陣圖

第八十五回

劉先主遺詔託孤兒

諸葛亮安居平五路

第八十六回

難張溫秦宓逞天辯

破曹丕徐盛用火攻

第八十七回

征南寇丞相大興師

抗天兵蠻王初受執

第八十八回

渡瀘水再縛番王

燒藤甲七擒孟獲

第八十九回

武鄉侯四番用計

識詐降三擒孟獲

第九十回

驅巨獸六破蠻兵

南蠻王五次遭擒

第九十一回

祭瀘水漢相班師

伐中原武侯上表

第九十二回

趙子龍力斬五將

諸葛亮智取三城

第九十三回

姜伯約歸降孔明

武侯侯罵死王朗

第九十四回

諸葛亮乘雪破羌兵

司馬懿尅日擒孟達

第九十五回

馬謖拒諫失街亭

武侯彈琴退仲達

第九十六回

孔明揮淚斬馬謖

周魴斷髮賺曹休

第九十七回

討魏國武侯再上表

破曹兵姜維詐獻書

第九十八回

追漢軍王雙受誅

襲陳倉武侯取勝

第九十九回

諸葛亮大破魏兵

司馬懿入寇西蜀

第一百回

漢兵劫寨破曹真

武侯聞陣辱仲達

第一百一回

出隴上諸葛裝神

奔劍閣張郃中計

第一百二回

司馬懿戰北原渭橋

諸葛亮造木牛流馬

第一百三回

上方谷司馬受困

五丈原諸葛禳星

第一百四回

殞大星漢丞相歸天

見木像魏都督喪膽

第一百五回

武侯預伏錦囊計

魏主折取承露盤

第一百六回

公孫淵兵敗死襄平

司馬懿詐病賺曹爽

第一百七回

魏主政歸司馬氏

姜維兵敗牛頭山

第一百八回

丁奉雪中奮短兵

孫峻席間施密計

第一百九回

困司馬漢將奇謀

廢曹芳魏家果報

第一百十回

文鴛單騎退雄兵

姜維背水破大敵

第一百十一回

鄧士載智敗姜伯約

諸葛誕義討司馬昭

第一百十二回

救壽春于詮死節

取長城伯約鑒兵

第一百十三回

丁奉定計斬孫琳

姜維關陣破鄧艾

第一百十四回

曹髦驅車死南闕

姜維棄糧勝魏兵

第一百十五回

詔班師後主信讒

託屯田姜維避禍

第一百十六回

鍾會分兵漢中道

武侯顯聖定軍山

第一百十七回

鄧士載偷渡陰平

諸葛瞻戰死綿竹

第一百十八回

哭祖廟一王死孝

入西川二士爭功

第一百十九回

假投降巧計成虛話

再受禪依樣畫葫蘆

第一百二十回

薦杜預老將獻新謀

降孫皓三分歸一統

漢獻帝

董承

伏皇后



呂布

董卓

貂蟬



昭烈帝

關壯繆

張桓侯



諸葛武侯

張苞

關興



馬超

黃忠

趙雲



馬岱

魏延

廖化



人夫糜

孫夫人



甘夫人

劉 禪

劉
猛

黃
皓



周倉

關平

王甫



程 畿

嚴
顏

張
松



龐德

韓遂

馬騰



紹 袁

顏 良

文 醜



華陀

吉平

管輅



艾 鄧

姜 維

鍾 會



呂蒙

關澤

陸遜



黃蓋

吳國太

孫皓



凌統

孫權

甘肅



蔣幹

魯肅

周瑜



孔融

陶謙

太史慈



楊修

陳宮

彌衡



龐統

王允

徐庶



郭嘉

曹操

賈詡



許攸

甄氏

曹丕



褚 許

張
遼

徐
晃



司馬昭

王朗

馬謖



司馬懿

張郃

郝昭



宴施園張三傑結義



張良
德
然
部

觀堂珠李
肅悅弓布



謀董車孟德獻刀

第一才子書卷一

聖嘆外書

茂苑毛宗崗序始氏評

詞曰 滾滾長江東逝水浪花淘盡英雄是非成敗轉頭空青山依舊在幾度

夕陽紅 白髮漁翁江渚上慣看秋月春風一壺濁酒喜相逢古今多

少事都付笑談中

以詞起以詩止

第一回

宴桃園豪傑三結義

斬黃巾英雄首立功

人謂魏得天時吳得地利蜀得人和乃三大國將興先有天公地公人公三小寇以引之亦如劉季將為天子有吳廣陳涉以先之劉秀將為天子有赤眉銅馬以先之也以三寇引出三國是全部中賓主以張角兄弟三人引出桃園兄弟三人此又一回中賓主

今人結盟必拜關帝不知桃園當日又拜何神可見盟者盟諸心非盟諸神也今人好通譜往往非族認族試看桃園三義各自一姓可見兄弟之約取同心同德不取同姓同宗也若不信心而信神不論德而論姓則神道設教莫如張角三人同氣連枝亦莫如張角三人矣而彼三人者其視桃園為何如耶

齊東絕倒之語偏足煽惑愚人如蒼天已死黃天當立是已且安知南華老仙天書三卷非張角謬言之而眾人妄信之乎愚以為裹黃巾稱黃天由前而觀則黃門用事之應由後而觀則黃初敗元之兆也

百忙中忽入劉曹二小傳一則自幼便大一則自幼便奸一則中山靖王之後一則中常侍之養孫低昂已判矣後人猶有以魏為正統而書蜀兵入寇者何哉許劭曰治世能臣亂世奸雄此時豈治世耶劭意在後一語操喜亦喜在後一語喜得惡喜得險喜得直喜得無禮喜得不平喜得不懷好意只此一喜便是奸雄本色

話說天下大勢分久必合合久必分周末七國分爭并入於秦及秦滅之後楚漢分爭又并入於漢漢朝自高祖斬白蛇而起義一統天下後來光武中興傳至獻帝遂分為三國推其致亂之由殆始於桓靈二帝出師表曰漢患痛恨于桓靈故從桓靈說起桓靈不用十常侍則東漢可以不為三國劉惔不用黃皓則蜀漢可以不為晉國此一部大書前後應處桓帝禁錮善類崇信宦官及桓帝崩靈帝即位大將軍竇武太傅陳蕃

共相輔佐時有宦官曹節等弄權竇武陳蕃謀誅之作事不密反為所害中涓自此愈橫將說何進先以陳蕃二人作引建寧二年四月望日帝御溫德殿方陞座殿角狂風驟起只見一條

大青蛇從梁上飛將下來蟠於椅上

白蛇動而漢與青蛇見而漢青蛇白蛇遙遙相對惟危惟蛇女子之祥寺人正女子一類也故有此兆

帝驚倒左

右急救入宮百官俱奔避須臾蛇不見了忽然大雷大雨加以水雹落到半夜方止

壞却房屋無數建寧四年二月洛陽地震又海水泛溢沿海居民盡被大浪捲入海

中小將滅火光和元年雌雞化雄此兆又切中宦官以男子而帶身則雄化

六月朔黑氣十餘丈飛入

溫德殿中秋七月有虹見於玉堂五原山岸盡皆崩裂種種不祥非止一端

先說災異引起盜賊

帝下詔問羣臣以災異之由議郎蔡邕上疏以為蛇墮雞化乃婦寺干政之所致言

頗切直首本書以蔡邕起以董卓結蓋邕固一代文人也使不失身董卓則三國志當成于蔡邕之手宣成于陳壽之手哉作者殆為中郎惜之帝覽奏嘆息因起更衣曹節

在後竊視悉宣告左右遂以他事陷邕於罪放歸田里後張讓趙忠封誅段珪曹節

侯覽蹇碩程璜夏暉郭勝十人朋比為奸號為十常侍帝尊信張讓呼為阿父有此張父自然

生出張角等兄弟三人來朝政日非以致天下人心思亂盜賊蜂起時鉅鹿郡有兄弟三人以此兄弟三人引出

桃園兄弟三人來一名張角一名張寶一名張梁那張角本是箇不第秀才脫儒巾而裹黃巾負却秀才名色因入

山採藥遇一老人碧眼童顏手執藜杖喚角至一洞中以天書三卷授之曰此名太

平要術汝得之當代天宣化普救世人若萌異心必獲惡報若無此句人不肯信角拜問姓名老

人曰吾乃南華老仙人也言訖化陣清風而去此事雖見來此張角自言之而人誰信之正與罵大猱喝一般伎倆角得此書曉

夜攻習能呼風喚雨號為太平道人稱謂中平元年正月內疫氣流行張角散施符

水為人治病自稱大賢良師名號愈出愈奇角有徒弟五百餘人雲遊四方皆能書符念呪

次後徒眾日多角乃立三十六方大方萬餘人小方六七千各立渠帥稱為將軍書符

只行遣鬼為將乃何以人為將乎稱老人稱帥又稱將軍名號愈出愈奇說言蒼天已死黃天當立造語不通之極如此秀才宜其不第也○美刺與有赤帝白帝之奇○言美將亡有蒼天蒼天之

妖言赤白蒼黃二帝二天正道遙相映又云歲在甲子天下大吉令人各以白土書甲子二字於家中大門

上青幽徐冀荆揚兗豫八州之人家家侍奉大賢良師張角名字天子既呼張讓為父天下安得不奉張角為師耶

角遣其黨馬元義暗齎金帛結交中涓封諂以為內應外寇必結連內寇角與二弟商議曰至

難得者民心也。今民心已順，若不乘勢取天下，誠為可惜。遂一面私造黃旗，約期舉

事。一面使弟子唐州馳書報封請。唐州乃徑赴省中告變。中渭反作奸細奸細反作首人可見內寇更惡于外寇帝召

大將軍何進。何進調兵擒馬元義斬之。次收封請等一千人下獄。何不張角聞知事

露，星夜舉兵自稱天公將軍。張寶稱地公將軍。張梁稱人公將軍。隱笑鼎足為三國引子申言於

眾曰：今漢運將終，大聖人出。汝等皆宜順從天意，以樂太平。四方百姓裹黃巾從張

角反者，四五十萬。奉黃天而裹黃巾，然足好笑賊勢浩大，官軍望風而靡。何進奏帝，火速降詔，令各

處備禦討賊立功。一面遣中郎將盧植、皇甫嵩、朱雋各引精兵分三路討之。好且說

張角一軍前犯幽州界分。幽州太守劉焉。一個姓劉的引出來乃江夏竟陵人氏。漢魯恭王

之後也。魯恭王之後引出中山靖王之後當時聞得賊兵將至，召校尉鄒靖計議。靖曰：賊兵眾，我兵寡，明

公宜作速招軍應敵。劉焉然其說，隨即出榜招募義兵。榜文行到涿縣，引出涿縣中

一個英雄。方入此卷正文先是一個英雄那人不甚好讀書。使與不第秀才不同性寬和，寡言語，喜怒不形於色。素有

大志，專好結交天下豪傑，生得身長八尺，兩耳垂肩，雙手過膝，目能自顧其耳，面如

冠玉，唇若塗脂。中山靖王劉勝之後，漢景帝閣下玄孫。可知蜀漢是正統姓劉，名備，字玄德。昔

劉勝之子劉貞，漢武時封涿鹿亭侯。後坐酎金失侯。漢武時宗廟祭祀命宗廟俱獻金助祭，金色有不佳者輒削其封因此遺

這一枝在涿縣。玄德祖劉雄，父劉弘。曾舉孝廉，亦嘗作吏。早喪，玄德幼孤，事母至

孝。然則昭烈之事母勝于高宗之事父矣家貧，販屨織席為業。漢武用主父愷計，削弱宗藩，以致七武起于田間，昭烈起于織席可勝嘆哉家住本縣樓桑村。

其家之東南有一大桑樹高五丈餘遙望之童童如車蓋相者云此家必出貴人

林桑遂使而陽八百
林桑不能獨樂其樂

玄德幼時與鄉中小兒戲於樹下曰我為天子當乘此車蓋

從曰丈夫不當如是耶正與此合

叔父劉元起奇其言曰此兒非常人也因見玄德貧常資給之

十五歲母使游學嘗師事鄭玄盧植與公孫瓚等為友

時玄德年已二十八歲矣當日見了榜文慨然長嘆

大丈夫不與國家出力何故長嘆

鬚聲若巨雷勢如奔馬

玄德見他形貌異常問其姓名其人曰某姓張名飛

字翼德世居涿郡頗有莊田賣酒屠猪專好結交天下豪傑

而嘆故此相問玄德曰我本漢室宗親姓劉名備今聞黃巾倡亂有志欲破賊安民

恨力不能故長嘆耳飛曰吾頗有資財當召募鄉勇與公同舉大事如何

玄德甚喜遂與同入村店中飲酒正飲間見一大漢推着一輛車子到店門首歇了

入店坐下便喚酒保快斟酒來吃我待趕入城去投軍

身長二尺面如重棗唇若塗脂丹鳳眼臥蠶眉相貌堂堂威風凜凜

良人也因本處勢豪倚勢凌人被吾殺了

軍破賊特來應募玄德遂以已志告之雲長大喜同到張飛莊上共議大事飛曰吾

莊後有一桃園花開正盛明日當於園中祭告天地我三人結為兄弟協力同心然

後可圖大事

黃巾賊有三個兄弟姓張的不如張翼德結兩個不姓張的兄弟較勝萬倍但論兄弟不兄弟何論姓張不姓張哉

玄德雲長齊聲應曰如此甚好

次日於桃園中備下烏牛白馬祭禮等項三人焚香再拜而設誓曰念劉備關羽張

飛雖然異姓既結為兄弟則同心協力救困扶危上報國家下安黎庶不求同年同

月同日生只願同年同月同日死

千古盟書第一奇語

皇天后土實鑒此心背義忘恩天人共戮

誓畢拜玄德為兄關羽次之張飛為弟祭罷天地復宰牛設酒聚鄉中勇士得三百

餘人就桃園中痛飲一醉

如此勝舉值得一醉

來日收拾軍器但恨無馬匹可乘正思慮間人報

有兩個客人引一夥伴當趕一羣馬投莊上來

趕得

玄德曰此天佑我也三人出莊

迎接原來二客乃中山大商一名張世平一名蘇雙每年往北販馬近因寇發而回

玄德請二人到庄置酒款待訴說欲討賊安民之意二客大喜願將良馬五十匹相

送又贈金銀五百兩鎖鐵一千斤以資器用

大是佳客

玄德謝別二客便命良匠打造雙

股劍雲長造青龍偃月刀

刀名

又名冷豔鋸

更新奇

重八十二斤張飛造丈八點鋼矛

各置全身鎧甲共聚鄉勇五百餘人來見鄉靖鄉靖引見太守劉焉三人參見畢各

通姓名玄德說起宗派劉焉大喜遂認玄德為姪

方作劉張之兄又作劉焉之姪

不數日人報黃巾賊

將程遠志統兵五萬來犯涿郡劉焉令鄉靖引玄德等三人統兵五百

有他以前五百敵其五萬前

去破敵玄德等欣然領軍前進直至大興山下與賊相見賊眾皆披髮以黃巾抹額

當下兩軍相對玄德出馬左有雲長右有翼德揚鞭大罵反國逆賊何不早降程遠志大怒遣副將鄧茂出戰張飛挺丈八蛇矛直出手起處刺入鄧茂心窩翻身落馬極寫程遠志見折了鄧茂拍馬舞刀直取張飛雲長舞動大刀縱馬飛迎程遠志見了早吃一驚措手不及被雲長刀起處揮為兩段極寫雲長龍刀蛇矛初發利市後人有詩讚二人曰

英雄發願在今朝一試矛兮一試刀初出便將威力展三分好把姓名標

眾賊見程遠志被斬皆倒戈而走玄德揮軍追趕投降者不計其數大勝而回劉焉親自迎接賞勞軍士次日接得青州太守龔景牒文言黃巾賊圍城將陷乞賜救援劉焉與玄德商議玄德曰備願往救之壯劉焉令鄒靖將兵五千同玄德關張投青

州來賊眾見救軍至分兵混戰玄德兵寡不勝退三十里下寨前以五百而大勝此以五千而小怯寫得變幻若每戰必寫獲捷使不成文字矣玄德謂關張曰賊眾我寡必出奇兵方可取勝乃分關公引一千軍伏山左

張飛引一千軍伏山右鳴金為號齊出接應先寫關張新將次寫玄德次日玄德與鄒靖引

軍鼓譟而進賊眾迎戰玄德引軍便退賊眾乘勢追趕方過山嶺玄德軍中一齊鳴

金左右兩軍齊出玄德麾軍回身復殺三路夾攻賊眾大潰極寫玄德直趕至青州城下

太守龔景亦率民兵出城助戰帶寫青州兵一句却好賊勢大敗剿戮極多遂解青州之圍後人

有詩讚玄德曰

運籌決策有神功二虎還須遜一龍初出便能垂偉績自應分鼎在孤窮

龔景鴻軍畢鄒靖欲回玄德曰近聞中郎將盧植與賊首張角戰於廣宗備昔曾師

事盧植欲往助之

壯其義甚

於是鄒靖引軍自回玄德與關張引本部五百人投廣宗來

至盧植軍中入帳施禮具道來意盧植大喜留在帳前聽調時張角賊眾十五萬植

兵五萬相拒於廣宗未見勝負植謂玄德曰我今圍賊在此賊弟張梁張寶在潁川

與皇甫嵩朱雋對壘汝可引本部人馬我更助汝一千官軍前去潁川打探消息約

期剿捕玄德領命引軍星夜投潁川來

本要助盧植却使輔助皇甫嵩朱雋等依法變的

時皇甫嵩朱雋領軍拒賊

賊戰不利退入長社依草結營嵩與雋計曰賊依草結營當用火攻之遂令軍士每

人束草一把暗地埋伏其夜大風忽起

正與呼風喚雨相映作趣

二更以後一齊縱火嵩與雋各引

兵攻戰賊寨火焰張天賊眾驚慌馬不及鞍人不及甲四散奔走殺到天明張梁張

寶引敗殘軍士奪路而走忽見一彪軍馬盡打紅旗當頭來到截住去路

請至此去謂是玄德關張來矣

不意竟不是奇施

為首閃出一將身長七尺細眼長鬚官拜騎都尉沛國譙郡人也姓曹名操

字孟德

忽然而來

操父曹嵩本姓夏侯氏因為中常侍曹騰之養子故冒姓曹曹嵩生操

小字阿瞞一名吉利

曹操世系如此豈得與王操同日語哉

操幼時好遊獵喜歌舞有權謀多機變操

有叔父見操遊蕩無度嘗怒之

玄德之叔父奇其性曹操之後裔是皆都是好叔父

言於曹嵩嵩責操操忽心生一

計見叔父來詐倒於地作中風之狀叔父驚告嵩嵩急視之操故無恙嵩曰叔言汝

中風今已愈乎操曰兒自來無此病因失愛於叔父故見罔耳

欺其父欺其叔他日安得不欺其君子○玄德幸其母曹氏

其父叔邪
正便利

嵩信其言。後叔父但言操過嵩並不聽。因此操得恣意放蕩。時人有橋玄者。

謂操曰：天下將亂，非命世之才不能濟。能安之者，其在君乎？南陽何顒見操，言漢室

將亡，安天下者必此人也。二人皆不識曹操，曹操聞之亦不喜。汝南許劭有知人之名，操往見之，問曰：我何

如人？劭不答。又問。劭曰：子治世之能臣，亂世之奸雄也。二語定評。操聞言大喜。稱之為奸雄而大喜大喜便是。

真正奸雄年二十，舉孝廉為郎，除洛陽北都尉。初到任，即設五色棒十餘條於縣之四門，有

犯禁者，不避豪貴，皆責之。中常侍蹇碩之叔，提刀夜行，操巡夜拏住，就棒責之。由是

內外莫敢犯者，威名頗震。後為頓丘令。百忙中夾敘曹阿瞞一篇小傳奇。因黃巾起，拜為騎都尉，引馬步

軍五千前來潁川助戰。正值張梁、張寶敗走，曹操攔住，大殺一陣，斬首萬餘級，奪得

旗幡金鼓馬匹極多。張梁、張寶死戰得脫，操見過皇甫嵩、朱雋，隨即引兵追襲張梁。

張寶去了。寫曹操忽然飛來，忽忽飛去，奇絕。却說玄德引關張來潁川，聽得喊殺之聲，又望見火光燭

天，急引兵來時，賊已敗散。玄德見皇甫嵩、朱雋，具道盧植之意。嵩曰：張梁、張寶勢窮

力乏，必投廣宗去。依張角，玄德可即星夜往助。玄德領命，遂引兵復回。盧植遣助皇甫嵩，朱雋，皇甫嵩朱雋

又遣助盧植，敘去變幻。到得半路，只見一簇軍馬護送一輛檻車，車中之囚乃盧植也。更妙，玄德

大驚，滾鞍下馬，問其緣故。植曰：我圍張角，將次可破，因角用妖術，未能即勝。張角妖術，在盧植口

中虛叙，一句奸朝廷差黃門左豐前來打探，問我索取賄賂。我答曰：軍糧尚缺，安有餘錢奉承

天使？左豐挾恨，回奏朝廷，說我高壘不戰，惰慢軍心。因此朝廷震怒，遣中郎將董卓

來代將我兵

先伏一筆

取我回京問罪張飛聽罷大怒要斬護送軍人以救盧植

快人是

德急止之曰朝廷自有公論汝豈可造次軍士簇擁盧植去了關公曰盧中郎已被

逮別人領兵我等去無所依不如且回涿郡玄德從其言遂引軍北行行無二日忽

聞山後喊聲大震玄德引關張縱馬上高岡望之見漢軍大敗後面漫山塞野黃巾

蓋地而來旗上大書天公將軍

真是奇

玄德曰此張角也可速戰

玄德兩番往來本要助戰却都未戰今引兵欲回本不想戰却

反得一戰叙法俱變

三人飛馬引軍而出張角正殺敗董卓乘勢趕來忽遇三人衝殺角軍大亂

敗走五十餘里三人救了董卓回寨

本要助盧植却反救了董卓變幻之回本叙劉關張中間却夾敘曹操末後又帶出董卓奇絕

卓問三人現

居何職玄德曰白身卓甚輕之不為禮

可笑

玄德出張飛大怒曰我等親赴血戰救了

這廝他却如此無禮若不殺之難消我氣便要提刀入帳來殺董卓

見盧植受屈便要殺見董卓無禮便要殺見

一毫寬計寫得真真是當時第一快人

正是

人情勢利古猶今誰識英雄是白身安得快人如翼德盡誅世上負心人

畢竟董卓性命如何且聽下文分解

第二回

張翼德怒鞭督郵

何國舅謀誅宦豎

翼德要救盧植不曾救得要殺董卓不曾殺得今遇督郵更不能耐矣督郵蠹國

害民是又一黃巾也柳條一頓可謂再破黃巾第二功

寫翼德十分性急接手便寫何進十分性慢性急不曾誤事性慢誤事不小人謂

項羽不能忍是性急高祖能忍是性慢此其說非也項羽刻印將封印秘而不忍與鴻門會上范增三舉玦而不忍發正病在遲疑不斷何嘗性急高祖四萬斤金可捐則捐之三齊九江大梁之地可割則割之六國印可銷則銷之鴻溝之約可背則背之正妙在果斷有餘何嘗性慢

西漢則外戚盛於宦官東漢則宦官盛於外戚惟其外戚盛也故初則產祿幾危漢祚後則王莽遂移漢鼎而宦官如弘恭石顯輩雖嘗擅權未至如東漢之橫是西漢之亡亡於外戚也若東漢則不然外戚與宦官迭為消長而以宦官圖外戚則常勝如鄭眾之殺竇憲覃超之殺梁冀是也以外戚圖宦官則常不勝如竇武見殺於前而何進復見殺於後是也是東漢之亡亡於宦豎也然竇武不勝止於身死何進不勝遂以亡國何也曰召外兵之故也外戚圖之而不勝至召外兵以勝之而前門拒虎後門進狼國於是乎非君之國矣亂漢者宦豎也亡漢者外鎮也而召外鎮者外戚也然則謂東漢之亡亦亡於外戚可也

前於立德傳中忽然夾叙曹操此又於立德傳中忽然帶表孫堅一為魏太祖一為吳太祖三分鼎足之所從來也分鼎雖屬孫權而伏線則已在此此全部大關目處

三大國將興先有三小醜為之作引三小醜既滅又有眾小醜為之餘波從來實

事未嘗徑遂直率奈何今之作稗官者本可任意添設而反徑遂率直耶

且說董卓字仲穎隴西臨洮人也官拜河東太守自來驕傲

一味驕傲便算不得奸雄便不及曹操

當日輕

慢了玄德張飛性發便欲殺之玄德與關公急止之曰他是朝廷命官豈可擅殺飛

曰若不殺這厮反要在他部下聽令其實不甘二兄便要住在此我自投別處去也

確是怨後憤意語不無三人義同生死何出此言

玄德曰我三人義同生死豈可相離不若都投別處去便了飛曰

若如此稍解吾恨於是三人連夜引軍來投朱雋雋待之甚厚合兵一處進討張寶

是時曹操自跟皇甫嵩討張梁大戰於曲陽

首回夾敘曹操此處遙也一句下落且為後文伏線

這裏朱雋進攻張寶

張寶引賊眾八九萬屯于山後雋令玄德為其先鋒與賊對敵張寶遣副將高昇出

馬搦戰玄德使張飛擊之飛縱馬挺矛與昇交戰不數合刺昇落馬玄德麾軍直衝

過去張寶就馬上披髮仗劍作起妖法只見風雷大作一般黑氣從天而降黑氣中

似有無限人馬殺來

前張角妖術只在盧植口中虛說一句今張寶妖術却用是叙都好

玄德連忙回軍軍中大亂敗陣而歸與

朱雋計議雋曰彼用妖術我來日可宰猪羊狗血令軍士伏于山頭候賊趕來從高

坡上潑之其法可解玄德聽令撥關公張飛各引軍一千伏于山後高岡之上盛猪

羊狗血并穢物準備次日張寶搖旗擂鼓引軍搦戰玄德出迎交鋒之際張寶作法

風雷大作飛砂走石黑氣漫天滾滾人馬自天而下玄德撥馬便走張寶驅兵趕來

將過山頭關張伏軍放起礮礮將穢物齊發但見空中紙人草馬紛紛墜地風雷頓

急砂石不飛

太平要術甚是不濟○關公當日已可與翼德公並稱伏魔大帝

張寶見解了法急欲退軍左關公右張飛兩軍

都出背後玄德朱雋一齊趕上賊兵大敗玄德望見地公將軍旗號飛馬趕來張寶

落荒而走玄德發箭中其左臂

前寫關張此寫劉備

張寶帶箭逃脫走入陽城堅守不出朱雋引

兵圍住陽城攻打一面差人打探皇甫嵩消息探子回報

只如此帶筆接叙不

具說皇甫

嵩大獲勝捷朝廷以董卓屢敗命嵩代之

董卓

嵩到時張角已死

了却

張梁統其眾與

我軍相拒被皇甫嵩連勝七陣斬張梁於曲陽

了却

發張角之棺戮尸梟首送往京

師餘眾俱降朝廷加皇甫嵩為車騎將軍領冀州牧皇甫嵩又表奏盧植有功無罪

結曹

即日將班師赴任

朝廷復盧植原官

又帶應盧植妙

曹操亦以有功除濟南相

結曹

即日將班師赴任

帶筆寫出一邊是敘一邊却虛敘奏差有致

朱雋聽說催促軍馬悉力攻打陽城賊勢危急賊將嚴政刺殺張寶

就探子回報

獻首投降

了却張寶○以三寇為三國作引而天公先亡人公次之地

朱雋遂平數郡上表獻捷時有黃

公後亡正應在魏先亡蜀次之吳又次之天然一个小樣子

巾餘黨三人

三人方死又有三人作餘波

趙弘韓忠孫仲聚眾數萬望風燒劫稱與張角報仇朝廷命

朱雋即以得勝之師討之雋奉詔率軍前進時賊據宛城雋引兵攻之趙弘遣韓忠

出戰雋遣玄德闖張攻城西南角韓忠盡率精銳之眾來西南角抵敵朱雋自縱鐵

騎二十巡取東北角賊恐失城急棄西南而回玄德從背後掩殺賊眾大敗奔入宛

城朱雋分兵四面圍定城中斷糧韓忠使人出城投降雋不許

不許得

玄德曰昔高祖

之得天下蓋為能招降納順公何拒韓忠耶雋曰彼一時此一時也昔秦項之際天

下大亂民無定主故招降賞附以勸來耳令海內一統惟黃巾造反若容其降無以勸善使賊得利恣意劫掠失利便投降此長寇之志非良策也

此是

玄德曰不容寇

降是矣令四面圍如鐵桶賊乞降不得不必然死戰萬人一心尚可當况城中有數萬

死命之人乎不若撤去東南獨攻西北賊必棄城而走無心戀戰可即擒也

兩策都是雋

然之隨撤東南二面軍馬一齊攻打西北韓忠果引軍棄城而奔雋與玄德關張率

三軍掩殺射死韓忠

韓忠却

餘皆四散奔走正追趕間趙弘孫仲引賊眾到與雋交戰

雋見弘勢大引軍暫退弘乘勢復奪宛城雋離十里下寨方欲攻打忽見正東一彪

人馬到來

來得突兀

為首一將生得廣額闊面虎體熊腰吳郡富春人也姓孫名堅字文

臺乃孫武子之後年十七歲與父至錢塘見海賊十餘人劫取商人財物于岸上分

賊堅謂父曰此賊可擒也遂奮力提刀上岸揚聲大呼東西指揮如喚人形狀賊以

為官兵至盡棄財物奔走堅趕上殺一賊

亦是自助便奇

由是郡縣知名薦為校尉後會稽妖

賊許昌造反自稱陽明皇帝聚眾數萬堅與郡司馬招募勇士千餘人會合州郡破

之斬許昌并其子許韶刺史臧旻上表奏其功除堅為鹽漬丞又除盱眙丞下邳丞

有次大功只除一丞可笑矣今見黃巾寇起聚集鄉中少年及諸商旅并淮泗精兵一千五百餘人前

來接應

孫堅為吳國孫權之父故百忙中特為立一小傳

朱雋大喜便令堅攻打南門玄德打北門朱雋打西門留

東門與賊走孫堅首先登城斬賊二十餘人賊眾奔潰趙弘飛馬挺槊直取孫堅堅

從城上飛身奪弘桀刺弘下馬

趙弘却

騎弘馬飛身往來殺賊

寫得孫堅如此英雄可見其謀分鼎亦非易易

仲引賊突出北門正迎玄德無心戀戰只待奔逃玄德張弓一箭正中孫仲翻身落

馬

丁却

朱雋大軍隨後掩殺斬首數萬級降者不可勝計南陽一路十數郡皆平雋

班師回京詔封為車騎將軍河南尹雋奏孫堅劉備等功堅有人情除別郡司馬

上任去了

魏他十分本事終須靠人情可為之一嘆

惟玄德聽候日久不得除授三人鬱鬱不樂上街閒行值

郎中張鈞車到玄德見之自陳功績鈞大驚隨入朝見帝曰昔黃巾造反其原皆由

十常侍賣官鬻爵非親不用非讐不誅以致天下大亂今宜斬十常侍懸首南郊遣

使布告天下有功者重加賞賜則四海自清平也

不提起劉玄德却只罵那十常侍按本塞源之論

十常侍奏帝曰

張鈞欺主帝令武士逐出張鈞十常侍共議此必破黃巾有功者不得除授故生怨

言權且教省家銓注微名待後却再理會未晚

即伏後沙汰一看

因此玄德除授中山府安喜

縣尉次日赴任玄德將兵散回鄉里止帶親隨二十餘人與關張來安喜縣中到

任署縣事一月與民秋毫無犯民皆感化到任之後與關張食則同桌寢則同床如

玄德在稠人廣坐關張侍立終日不倦

今復有此結拜兄弟否

到縣未及四月朝廷降詔凡有軍

功為長吏者當沙汰玄德疑在遣中

無人情者如此吃虧為之一嘆

適督郵行部至縣玄德出郭迎接見

督郵施禮督郵坐于馬上惟微以鞭指回答

可要該打

關張二公俱怒及到館驛督郵南

面高坐玄德侍立階下良久督郵問曰劉縣尉是何出身

所問與董卓如一

玄德曰

備乃中山靖王之後自涿郡劉翳黃巾大小三十餘戰頗有微功因得除令職督郵

大喝曰汝詐稱皇親虛報功績自今朝廷降詔正要沙汰這等濫官污吏可惡

咄咄連聲而退歸到縣中與縣吏相議吏曰督郵作威無非要賄賂耳此等機關是縣吏精通

玄德曰我與民秋毫無犯那得財物與他次日督郵先提縣吏去勒令指稱縣尉害民

詞打惡玄德幾翻自往求免俱被門役阻住不肯放不過要一却說張飛飲了數杯酒

酒乘馬從館驛前過來了督郵作威時定然不知有老張見五六十老人皆在門前痛哭飛問其故眾老人

答曰督郵迫勒縣吏欲害劉公我等皆來苦告不得放入反遭把門人趕打張飛大

怒睜圓環眼咬碎鋼牙滾鞍下馬逕入館驛把門人那裡阻擋得住直奔後堂見督

郵正坐廳上將縣吏綁倒在地飛大喝害民賊認得我麼快人快事妙在絕無商量督郵未及開言

早被張飛揪住頭髮扯出館驛直到縣前馬椿上縛住前日坐馬上今日扳下柳條去督

郵兩腿上着力鞭打打得暢快督郵所望者絲條拿耳豈意張公以柳條見贈其妙一連打折柳條十數枝此柳條十數枝可當甘棠之思玄德

正納悶間聽得縣前喧鬧問左右答曰張將軍綁一人在縣前痛打玄德忙去觀之

見綁縛者乃督郵也不謂南面高坐人一至于此玄德驚問其故飛曰此等害民賊不打死等甚快人快語絕無

量督郵告曰玄德公救我性命不敢不敢我本詐稱皇親虛報功績者安能殺公耶玄德終是仁慈人急喝張飛住手

旁邊轉過關公來言曰兄長建許多大功僅得縣尉今反被督郵侮辱吾思荆棘叢

中非棲鸞鳳之所不如殺督郵棄官歸鄉別圖遠大之計落著大玄德乃取印綬掛于

督郵之頸

可謂佳印督郵

責之曰據汝害民本當殺却今姑饒汝性命

翼德竟耐打死之關公乃欲殺之而玄德則姑饒之當三人各自一

樣無不酷肖

吾繳還印綬從此去矣

如此繳印辭官法絕奇絕趣

督郵歸告定州太守太守申文省府差人捕

捉玄德關張三人往代州投劉恢恢見玄德乃漢室宗親留匿在家不題

按下一頭却說

十常侍既握重權互相商議但有不從己者誅之趙忠張讓差人問破黃巾將士索

金帛不從者奏罷職皇甫嵩朱雋皆不肯與趙忠等俱奏罷其官帝又封趙忠等為

車騎將軍張讓等十三人皆封列侯朝政愈壞人民嗟怨於是長沙賊區星作亂

又是黃巾

餘漁陽張舉張純反舉稱天子純稱大將軍

又是兩個姓張的

表章雪片告急十常侍皆藏匿

不奏一日帝在後園與十常侍飲宴諫議大夫劉陶逕到帝前大慟帝問何故陶曰

天下危在旦夕陛下尚自與閹宦共飲耶帝曰國家承平有何危急陶曰四方盜賊

並起侵掠州郡其禍皆由十常侍賣官害民欺君罔上朝廷正人皆去禍在目前矣

劉陶不姓劉

十常侍皆免冠跪伏於帝前曰大臣不相容臣等不能活矣願乞性命歸田

里盡將家產以助軍資言罷痛哭

何其驕縱半夜之哭妖姬一般身分

帝怒謂陶曰汝亦有近侍之人何

獨不容朕耶呼武士推出斬之劉陶大呼臣死不足惜可憐漢室天下四百餘年到

此一旦休矣

好劉

武士擁陶出方欲行刑一大臣唱住曰勿得下手待我諫去眾視

之乃司徒陳耽逕入宮中來諫帝曰劉諫議得何罪而受誅帝曰毀謗近臣冒瀆朕

躬耽曰天下人民欲食十常侍之肉陛下敬之如父母身無寸功皆封列侯况封誚

等結連黃巾欲為內亂

甄應前文

陛下今不自省社稷立見崩摧矣

言言痛切

帝曰封請作亂

其事不明十常侍中豈無一二忠臣

諡之曰靈名稱其寔

陳耽以頭撞階而諫

好陳

帝怒命牽出

與劉陶皆下獄是夜十常侍即於獄中謀殺之

可恨

假帝詔以孫堅為長沙太守討

區星不五十日報捷江夏平

區星

詔封堅為烏程侯封劉虞為幽州牧領兵往漁陽

征張舉張純代州劉恢以書荐玄德於虞虞大喜令玄德為都尉引兵直抵賊巢與

賊大戰數日挫動銳氣張純專一凶暴士卒心變帳下頭目刺殺張純將頭納獻

張純率眾來降

張純

張舉見勢敗亦自縊死

鞭督郵之罪

落得

除下密丞遷高堂尉公孫瓚又表陳玄德前功荐為別部司馬守

平原縣令玄德在平原頗有錢糧軍馬重整舊日氣象劉虞平寇有功封太尉

中平六年夏四月靈帝病篤召大將軍何進入宮商議後事

接入何進

那何進起身屠

家因妹入宮為貴人生皇子辨遂立為皇后進由是得權重任帝又寵幸王美人生

皇子協何后嫉妬鳩殺王美人

可皇

皇子協養於董太子宫中董太后乃靈帝之母是

解瀆亭侯劉冀之妻也初因桓帝無子迎立解瀆亭侯之子是為靈帝靈帝入繼大

統遂迎養母氏于宮中尊為太后

婦教董太后為後文伏線

迎養則可尊為太后非禮也若尊董氏為太

耳董太后嘗勸帝立皇子協為太子帝亦偏愛協欲立之當時病篤中常侍蹇碩奏

曰若欲立協必先誅何進以絕後患帝然其說因宣進入宮進至宮門司馬潘隱謂

進曰不可入宮。蹇碩欲謀殺公。進大驚。急歸私宅。召諸大臣。欲盡誅宦官。座上一人

挺身出曰。宦官之勢起自沖質之時。朝廷滋蔓極廣。安能盡誅。倘機不密。必有滅族

之禍。請細詳之。道一語破進視之。乃典軍校尉曹操也。進叱曰。汝小輩。安知朝廷大事。料不

後來朝廷大事都出此小輩之手正躊躇間。潘隱至。言帝已崩。令蹇碩與十常侍商議。秘不發喪。矯詔宣

何國舅入宮。欲絕後患。冊立皇子。協為帝。說未了。使命至。宣進速入。以定後事。操曰。

今日之計。先宜正君。然後圖賊。扼要進曰。誰敢與吾正君。討賊一人挺身出曰。願備

精兵五千。斬闖入內。冊立新君。盡誅閹豎。掃清朝廷。以安天下。語亦不尋常進視之。乃司徒

袁達之子。袁隗之姪。名紹。字本初。見為司隸校尉。何進大喜。遂點御林軍五千。紹全

身披挂。何進引何顯荀攸鄭泰等大臣三十餘員。相繼而入。就靈帝柩前扶立太子

辨。即皇帝位。百官呼拜已畢。袁紹入宮。收蹇碩。碩慌走入御花園花陰下。為中常侍

郭勝所殺。以宦官殺宦官碩所領禁軍。盡投順紹。謂何進曰。中官結黨。今日可乘勢盡誅之。是

張讓等知事急。慌入告何后曰。始初設謀陷害大將軍者。止蹇碩一人。並不干臣等

事。今大將軍聽袁紹之言。欲盡誅臣等。乞娘娘憐憫。何太后曰。汝等勿憂。我當保汝

傳音。宣何進入。太后密謂曰。我與汝出身寒微。非張讓等焉能享此富貴。今蹇碩不

仁。既已伏誅。汝何聽信人言。欲盡誅宦官耶。婦人誤事何進聽罷。出謂眾官曰。蹇碩設謀

害我。可族滅其家。其餘不必妄加殘害。何進如此無用死不足惜袁紹曰。若不斬草除根。必為喪身

之本。是進曰吾意已決汝勿多言。眾官皆退。次日太后命何進參錄尚書事。其餘皆

封官職。董太后宣張讓等入宮商議曰：「何進之妹，始初我抬舉他。今日他孩兒即皇

帝位，內外臣僚皆其心腹，威權太重。我將如何？」讓對曰：「娘娘可臨朝垂簾聽政，封皇

子協為王，加國舅董重、大官掌握軍機，重用臣等。」張讓意中董太后大喜。

次日設朝，董太后降旨封皇子協為陳留王，董重為驃騎將軍，張讓等共預朝政。何

太后見董太后專權于宮中，設一宴請董太后赴席。酒至半酣，何太后起身捧杯再

拜曰：「我等皆婦人也，參預朝政非其所宜。昔呂后因握重權，宗族千口皆被戮。今我

等宜深居九重，朝廷大事任大臣元老自行商議，乃國家之幸也。」願垂聽焉。言是而行

非董太后大怒曰：「汝鴆死王美人，設心嫉妬，惡毒分明今倚汝子為君，與汝兄何進

之勢，輒敢亂言。吾勅驃騎斷汝兄首，如反掌耳。何后亦怒曰：「吾以好言相勸，何反怒

耶？」董后曰：「汝家屠沽小輩，有何見識？」兩宮互相爭競。體統盡壞張讓等各勸歸宮。何后連

夜召何進入宮，告以前事，何進出召三公共議。來早設朝，使廷臣奏董太后原係藩

妃，不宜久居宮中，合仍遷于河間安置。限日下，即出國門。一面遣人起送董后一面

點禁軍圍驃騎將軍董重府宅，追索印綬。董重知事急，自刎于後堂。家人舉哀，軍士

方散。以外戚張讓段珪見董后一枝已廢，遂皆以金珠玩好結構何進弟何苗并其母

舞陽君，令早晚入何太后處，善言遮蔽。因此十常侍又得近幸。一班人六月何進暗使

人酖殺董后于河間驛庭

稱太后則不可然迎養宮中靈帝所以

子情也出之外藩而又酖殺之何

舉柩

回京葬于文陵進託病不出司隸校尉袁紹入見進曰張讓段珪等流言於外言公

酖殺董后欲謀大事乘此時不誅閹宦後必為大禍

是

昔竇武欲誅內豎機謀不密

反受其殃今公兄弟部曲將吏皆英俊之士

兄弟倒未必

若使盡力事在掌握此天贊之時

不可失也進曰且容商議左右密報張讓

家人骨肉个个何外進之為人可知矣

讓等轉告何苗又多送賄

賂苗入奏何后云大將軍輔佐新君不行仁慈專務殺伐今無端又欲殺十常侍此

取亂之道也后納其言少頃何進入白后欲誅中涓

何進具在夢中

何后曰中官統領禁省漢

家故事先帝新棄天下爾欲誅殺舊臣非重宗廟也進本是沒決斷之人

沒決斷之人幹得甚事

太后言唯唯而出袁紹迎問曰大事若何進曰太后不允如之奈何紹曰可召四方

英雄之士勒兵來京盡誅閹豎此時事急不容太后不從

此計

進曰此計大妙

偏是此計不妙

他偏說大妙想何進胸中如漆

便發檄至各鎮召赴京師主簿陳琳曰不可俗云掩目而捕燕雀是自欺

也微物尚不可欺以得志况國家大事乎今將軍仗皇威掌兵要龍驤虎步高下在

心若權誅宦官如鼓洪爐燎毛髮耳但當速發行權立斷則天人順之却反外檄大

臣臨犯京闕英雄聚會各懷一心所謂倒持干戈授人以柄功必不成反生亂矣諺

頑畫炳

何進笑曰此懦夫之見也

到底不聽

旁邊一人鼓掌大笑曰此事易如反掌何

必多議視之乃曹操也正是

欲除君側宵人亂須聽朝中智士謀 不知曹操說出甚話來且聽下文分解





國家圖書館



003877340



線

857.4523

6546

19

v.1

舊

籍